

საქართველოს კანონის პროექტი

„კომერციული ბანკების საქმიანობის შესახებ“  
საქართველოს კანონში ცვლილების შეტანის თაობაზე

**მუხლი 1.** „კომერციული ბანკების საქმიანობის შესახებ“ საქართველოს კანონის (საქართველოს საკანონმდებლო მაცნე ([www.matsne.gov.ge](http://www.matsne.gov.ge)), 23/02/1996; სარეგისტრაციო კოდი: 220.020.000.05.001.000.126) 30-ე მუხლში შეტანილ იქნას შემდეგი ცვლილება:

ა) მე-4 პუნქტი ჩამოყალიბდეს შემდეგი რედაქციით:

„სანქცია უნდა შეესაბამებოდეს დარღვევის სერიოზულობას ან/და კომერციული ბანკის აქტივებისათვის მიყენებულ ზარალს ან შესაძლო საფრთხეს. ამასთან, დაუშვებელია ერთი დარღვევისთვის რამდენიმე სანქციის დაკისრება.“.

ბ) მე-4 პუნქტის შემდეგ დაემატოს შემდეგი შინაარსის 4<sup>1</sup>, 4<sup>2</sup> და 4<sup>3</sup> პუნქტები:

„4<sup>1</sup>. ეროვნული ბანკის მიერ სანქციის განსაზღვრის დროს დაცული უნდა იყოს თანაზომიერების პრინციპი, რომელიც თავის მხრივ მოიცავს: სანქციის გამოყენების მიზნის, შესაფერისობის, აუცილებლობისა და პროპორციულობის დადგენას. ამასთან, სავალდებულო წესით, თითოეული სანქციის დაკისრების შესახებ გადაწყვეტილებას თან უნდა ახლდეს შესაბამისი დასაბუთება.

4<sup>2</sup>. ეროვნული ბანკის სანქციისგან გათავისუფლების საფუძველს წარმოადგენს დარღვევის ხანდაზმულობა. ხანდაზმულობის ვადა დარღვევის ჩადენიდან შეადგენს 6 წელს.

4<sup>3</sup>. ეროვნული ბანკი უფლებამოსილია სანქციის განსაზღვრის დროს კომერციული ბანკი, მისი ადმინისტრატორები და მკონტროლებელი პირები ნაწილობრივ ან სრულად გაათავისუფლოს სანქციის დაკისრებისაგან თუ სახეზეა ერთი ან რამდენიმე შემამსუბუქებელი გარემოება, კერძოდ:

- ა) დარღვევის გამოვლენის პირველი შემთხვევა;
- ბ) ზედამხედველთან თანამშრომლობის მაღალი ხარისხი;
- გ) დარღვევის შედეგად მიღებული ზიანის არარსებობა.“.

**მუხლი 2.** ეს კანონი ამოქმედდეს გამოქვეყნებისთანავე.